

Autoridade Bankária & Pagamentu Timor-Leste nian (ABP)
Banking and Pyments Authority of Timor-Leste

Relatóriu Trimestrál Fundus Petróleu nian

Trimestre ne'ebe hotu iha 31 Dezembru 2007

KOMUNIKADU IMPRENSA

Autoridade Bankária do Pagamentu (ABP) ohin lansa Relatóriu Trimestrál ba dala sanulu kona ba Fundus Petróleu Timor-Leste nian ne'ebé hatudu katak Kapitál fundus nian iha 31 Dzembru 2007 hamutuk millaun \$2,086.16 kompara ho millaun \$1,817.91 iha fin Septembru 2007.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun US\$258.54 ne'ebé kompostu husi kontribuisaun kontribuinte sira ba Fundus ne'e hamutuk millaun US\$ 68.22 no kontribuisaun realeza (*royalty*) sira husi ADTT (*Autoridade Designada Tasi Timor*) hamutuk millaun US\$190.32

Jurus fundus ne'ebé hetan hamutuk millaun USD\$18.30 durante trimestre ne'e, enkuantu mudansa iha valór merkadu nian hamutuk millaun USD\$31.66

Rendimentu kona-ba Fundus Petroliu durante trimestre ne'e pozitivu 2.53%, ekivalente ho rendimentu tinan (*annual return*) ho 10.51%. Rendimentu referêcia (*benchmark return*) durante trimestre mak 2.51%. Rendimentu portfoliu durante trimestre ne'e mak pontu baze 2, bo'ot liu duké rendimentu referêcia (*benchmark*) ne'ebé mak iha mandatu ± 25 pontus de base nia laran.

Total hamutuk millaun US\$40.26 deduz ona husi Fundu ne'e kompastu husi miliaun \$40 transfere ona ba Orsamentu Estadu nian no rihun USD\$260.69 ba kustu jestaun nian durante trimestre ne'e.

Lei Fundus petróleu nian espesifika katak Autoridade Bankaria do Pagamentu nu'udar Banku Sentráal Timor-Leste iha futuro, mak nu'udar ajente ne'ebé responsavel ba jestaun operasionál fundus Petroleu nian. Ministériu Finansas responsavel ba establesimentu estratéjia investimentu tomak ba Fundus. Mandatu ne'ebé mak fornese ba Autoridade Bankaria do Pagamentu mak atu maneja fundus ho Indisé Merrill Lynch tinan 0-5 ou ho durasaun husi tinan zero to'o tinan lima iha mercado instrumento finanças Governu Estados Unidus. Autoridade Bankaria do Pagamento maneja ona portfoliu besik liu ho pontu referensia trimestre dala sanulu dahuluk. Diferensia entre portfoliu no pontu referensia hahú husi inísiu fundus nian mak 2 pontu de base iha targetu mandatu ± 25 pontu de baze nia laran.

Pontu importante husi Relatóriu Trimestre ba dala X, ne'ebé kobre período 1 Outubro to'o 31 Dezembru 2007, inklui:

- Saldo balansu inísiu hamutuk millaun \$1,817.91
- Reseita brutu durante trimestre ne'e hamutuk millaun \$258.54 ne'ebé kompostu husi reseita kontribuente sira hamutuk millaun USD\$68.22 no reseita realeza husi ADTT (*Autoridade Designada Tasi Timor*) nian hamutuk millaun \$190,32 husi ne'ebé osan-kontadu ne'ebé mak sai hamutuk millaun US\$40.26 mak hanesan milliaun US\$40 transferensia ba Orsamentu Jeral Estadu nian no rihun USD\$260,69 ba taxa jestaun nian durante trimestre ne'e. Osan-kontadu líkidu ne'ebé tama hamutuk millaun US\$218,28.
- Rendimento portfolio mak 2.53% durante trimestre no rendimentu referensia (*benchmark*) mak 2.51%
- Rendimentu investimentu durante trimestere ne'e mak \$49.96 millaun kompostu husi jurus titulus nian \$18,30 millaun e alterasaun valor titulus mak millaun \$31,66.
- Saldo balansu ikus hamutuk millaun US\$2.086,16

ABP halao ona prosesu estudu ida atu hare estratejia investimentu tempu naruk (*review long term investmetn strategy*) nian, jestaun projetu *custodian* nian nomos planu pesoal servisu (*work force planning*) nian husi uja peritus kompania konsultor internasional ida.

Diretur Ezekutivu Departementu Fundu Petroleu iha ABP nian partisipa iha Grupu Servisu ida nebe estabelese husi Ministra Finansas nian ho objetivu atu hare fali alokasaun estratéjiku óptimu patrimóniu (*optimal strategic asset allocation*) nian iha limite Lei Fundu Petróleu nia laran no atu sujere mudansas nebe apropiadu iha konvensaun (*rules*) investimentu no instrumentus qualifikadu iha Lei Fundu Petróleu nian nomos respetivamente iha Akordu Jestaun nia laran.

Tuir rekomendasaun husi Komite Asesoria Investimentu nian ba Ministra Finansas nian atu autoriza ABP hodi tama ba negosiasaun kontratu jestor externus naun komersias (*non-commercial External Managers*), durante trisemestre ne'e, Ministra Finansas autoriza ona ABP atu tama ba negosiasaun kontratu ho Banku Mundial (*World Bank*) no BIS (*Bank for International Settlement*) atu sai hanesan jestores naun komersiais.

Relatóriu trimestrál ne'e, nu'udar mós lei Fundus Petróleu nian no Akordu Jestaun, disponivel husi sítiu *Autoridade Bankária & Pagamentu* www.bancocentral.tl.

Ba informasaun adisionál bele hetan husi:

Venancio Alves Maria
 Diretór Ezekutivu
 Jestaun Fundus Petróleu nian,
 Autoridade Bankária & Pagamentu Timor-Leste nian
 Korreiu-Eletróniku: venancio.maria@bancocentral.tl
 Telefone: +(670) 3313718

Dili, 8 Fevereiru 2008